

商中三六の刊

重録他校書行即生商缺

學士呂胡士家

分校官陳讀臣呂吳

書室儒士日張應鳳

國監監生呂蔣洪

主 張應鳳

永樂大典卷之九千七百六十六 二十二章

巖

靈巖

常州府志靈巖在直隸常州府去城之東南五十里舊蓋溪西峻踰百仞上有龍湫雲氣常蒸繞禱雨輒應宋錢塘韋驥集遊

靈巖四首陪溫伯舍人征塵洶洶頓消磨路入靈巖好趣多崖穴透空疑

畫月泉池凝淥似春波錦帷香細薰千佛金殿燈明覺衆魔一宿禪房幸

安穩明朝騎馬入長坡東國名高獨此巖群峯環抱自韜鈴道場岑寂

規風古禪室空疎杖喝巖木落有時飄殿角雲寒終日蔽山尖不知雙鶴

歸何處留得靈泉與衆甜法定師見雙鶴飛去於其上得此泉至今以鶴

名之區區不覺路岐難塵土衣冠喜動顏已見成書歸上國史道便道賢

名山隨軒幸涉三時火弭節仍陪半日閑却與禪翁自相悅繡衣雲步共

追攀鷄鳴峯外日曛曛欲去躊躇興未窮索筆請題青石柱留名願附

碧紗龍重來迴顧千山霧迴轡輕隨一徑風跋馬頻頻望蒼翠他時應與

夢龜通徽州府志靈巖在徽州府州城西一百二十里中有洞靈觀觀

之東北曰慶雲洞。巖實皆五色。兩崖瀑流之。上有真人鸞鶴雲霞之象。更入四五十步許。則有芝田靈草。羅列左右。遇春瀑漲。則破枕爛漿流出。西曰蓮花洞。入百步有大石室。廣十方。有象高一丈八尺。旁有羽蓋幡幢。獅子蹲臺。芝草皆乳石結成。遇拜章投龍。誠感所致。住往有仙樂。慶雲珍禽奇獸。致花果於像前。又有天井深不可測。南曰含虛洞。洞有二重。外狹內平。有積雲臺。沉香峯。是為三洞。皆與浙嶺率山相連。星源志靈巖詩。三巖九洞紀塵寰。問訊真人侍縱觀。丹就已乘仙鶴去。雲深元有老龍蟠。鐵船泛海源流遠。王往擎天星斗寒。劈破莓苔詩句好。欲歸傳作畫圖看。蘇州府志唐趙嘏詩題靈巖。館娃宮畔千年寺。水閣雲多客過稀。聞說春來倍惆悵。百花深處一僧歸。趙汝溥詩。古寺踈鐘隔斷煙。館娃宮殿草芊芊。多情却有松蘿月。只與當時一樣圓。宋呂居仁詩寄題蘇州靈巖。水分西子抹香煙。山是吳王避暑宮。可惜同來不同賞。落花飛絮曉濛濛。宋葉水心靈巖詩。穹窿右倪眉。天平左垂鬚。吳人宅沮如。茲山仰其鎮。陟起為表著。突兀數尋因。樛松頗堅瘦。立石乃紫潤。兼有十里陂。香竊來遠韻。宜乎登椒丘。擺落思奮迅。亡王未亡時。絕色館孤峻。歌聲妙歎乃。俎品窮蛤蜊。援琴固傳數。解甲仍轉瞬。終歸寂寞人。破釜黃姑羹。陳

迹不足弔新締何勞問三平姑蘇驛空望此塔近適當熟食節煖氣無已
客豪風增春愁異雪損花信肺以壯遊行歸受兒女報 張南軒遊靈巖
詩 我登姑蘇臺笑指前溪水水從具廬來古色映清此明朝泛舟去兩
岸雜蘋芷紫紆知幾曲舉目皆可喜楊熟千頃黃秋入四山紫踈鍾度橫
塘青窅穿野市忽驚秀氣逼突兀平地起飛閣出林巔等石滿山趾寒叢
上深徑鳴蟬聲聒耳木罅霞遊觀欲進足簾止梵宮開何年金碧煥相倚
上方納湖光千里淨如砥中峯何亭亭正爾當無几沙闌臨鷺微水落魚
龍徙雲遙閣間那草迷於越壘琴臺俯香徑不念前王侈茲山自古今誰
此能為疾老松獨堅卧根株互盤峙頽然閱滄波愛于青未已我來三日
留幽事付行李領略寧有窮登臨聊可紀孫觀鴻慶居士集青蓮花出古
娃宮華嚴亭亭月滿谷風蘋一聲傳夜登雲煙千丈陰蒼松曲池漫漫悲
木太古隨冥冥出鼎鍾落紙煙雲共醉筆吾宗文未擅雕龍江湖續集陽
羨王予信詩 特地們羅入翠微楊花故故點征衣遊人盡逐暮光去野
老獨携山色歸擬泛銀濤浮浩渺難尋上貌問芳菲吳亡越伯渾休問且
買清樽送落暉元張伯雨句曲外史詩客有具舟遊遊靈巖上方一夕風
雨明日以詩奉廉夫驚頭為更張其席 山水皆久要一旦隔風雨卧遊

政爾佳。美非濟勝具。水剝山殘如我老。觸目興懷殊草草。不如鵲錦坊中
 聽雨樓。取醉都忘山水好。鄭左不來今雨多。張雪狂談奈爾何。便從楊君
 借女妓。澆我十分金巨羅。綠竹由來不如肉。不聞風雨止聞歌。張子淵集
 題嚴氏游靈巖園用亮山韻。仲瑛韻。美人細氣搖芙蓉。宮衣不卷秋滿
 宮。美人翠華隔遙水。空餘煙草迷宸蹤。我聞靈巖歲月古。越來溪上誇神
 武。戰爭興廢等荊棘。黃狐跳梁野狐舞。紫蕭哀哀天外吹。嚴家兄弟盤遊
 時。酒酣笑語落巖谷。飲餘不覺雲生色。我欲中車恣尋討。一片襟懷自清
 好。不辭陰磴躋攀難。常恐西風鬢毛老。隴西李氏蘊所奇。霜臺掃荒湘江
 技。自知許是有聲畫。轉看畫作無聲詩。人間秘此江山趣。便欲移家住深
 處。臨風俯仰終浩嘆。白日西飛水東去。袁易詩遊靈巖。緒風散林薄。
 洩霧間巖肩。茲晨倦清精。曠懷延杳冥。九折度峻壁。微行窮絕陁。天差昔
 戾止。鏘鏘駐和鈴。華旗一以建。繽紛朝百靈。花飄燈道白。樹入瑞闌青。吳
 娃嬌方處。越甲蔽長峒。千秋龜魄歸。過渚亦零鳴。呼重華。後路闕何由。
 寧秦宮。委蔓草。漢闕流寒雲。惟應金仙安。空山屹亭亭。摩尼耀八極。象教
 垂千齡。周伯琦詩游靈巖三首。吳宮花草久為塵。千仞空山無黛顰。
 雲閣西湖春渺渺。天池浸石碧粼粼。諸侯互勝猶爭爽。三世如來却現身。

白杜捐間留秀氣清游訪古及芳辰
丹梯百折到松林連抱庭杉歲月
深永蒼廊虛曾警得荒岡臺古不聞琴
娥眉傾國悲生樂塵尾談空後視
今山下良田川似剪一區那得老雲岑
重遊已隔十三春纖綠嬌黃幾
度新白髮無情添世態青山有約待詩人
策花間夢畦錦薛荔繁藤樹
簇鱗香徑斜陽啼杜宇迴舟圓月挂城闌
元僧盤古遊山詩集吳王古苑
蓮塘香徑琴臺硯池西施洞館娃宮皆古跡
日落危欄獨自凭蓮塘香
徑總傷神硯池風浣琴臺月石洞雲埋娃館
春湖水已滿嘗膽苦山峯猶解
捧心顰長年來住知多少誰是登臨乎古人
李孝光集暮入靈巖記出靈
峯院偶坐湖水南客有言鴈山信多奇然
豈復有過於此者余爲言山之
峭刻瑰詭莫若靈峯壯雄渾厖莫若靈巖
峯言錢巖言大也余適少疲倚
大樹坐甚恬客問靈巖亟欲往即起促踣
不得休前是一日行五里輒止
舍是日會已暮頃刻馳十里到寺天正曛
黑及暗舉頭見巨石孤立而人
俯月出正懸東南角星象繁疊下垂四旁
客噴息不可上如游魚唼喘以
爲身浮游在顆氣上也入坐佛宮南階上
正視見其面進升堂倚右扶室
則旁脫其脇夜分又數數開南牖視之
月欲墜未墜夜色如霜雪諸峯相
向立儼然三四老翁永冠而偶語獨西
南一柱白而長身者也明日病後

由昌上人房下過洞得小石嶺可五六百步。上觀所謂龍鼻泉。山半橫石作鱗甲狀。陷入石中。獨見其脊從西南石峽中繞出數十丈。勢已盡。乃垂入谷中。作懸鼻疑是石髓。積歲月化為石。故獨此鼻如瓢大。乃紺碧滑膩。異他石。鼻端泉時時一下滴谷口。洞西有立石長三十丈。如卓筆。曰卓筆峯。峯旁流泉墮入洞中。亦三十許丈。曰小龍狀。猶西飛泉湧出石罅。直上指尺許。曰劍鋒泉。寺以巖名。巖又以佛宮北。大石障名障。獨高且大。絕頂正平如塗。丹堊是為平霞障。諸峯皆牽聯在障旁。其大石如樹。竒居障左。臂白展。猶其大柱居障右。臂則曰天柱。龍鼻泉又在障右。隔間小龍漱。卓筆石劍鋒泉當居眼中。王右軍梅溪後集游靈巖。輝老索詩至。靈峯寄數語。鴈蕩冠天下。靈巖猶絕奇。煙霞列屏障。世寶障日月明。狂獺長。雄峯巖前有卓筆。卓筆峯可以書雄詞。天聰況非遠。天聰洞洞然。聽無疑。額起靈漱。龍霖雨行可為額。用真柱石。天柱峯水支廊廟。危額嶠造化爐。噴噴靈四海歸淳熙。額招鸞鳳友。雙鸞奉朝廷。相羽儀。何人夢石室。石室靈峯安誕夸。一時那能了世緣。未免貪嗔癡。名山誤見汗公議。安可欺額借靈湫水。一洗了堂碑。許以寄老樵。狂言勿吾嗤。包宏肅。弊帚羹鴈蕩。靈巖展旗天柱立。寶印獅子雄。龍噴千珠碎。天窓四牖空。爭奇排怪石。獨秀

出孤峯龍鼻泉流出如何造物工亦賦讀志靈巖在浙江台州府北一十里又名驚峰後有飛瀑遂安縣屬經在浙江嚴州府遂安縣慶曆八年殿中丞葛開序同特賦詩者十一人在本院其古目錄唐前濮州判駕康仲熊遊靈巖瀑布記不著書人名氏大曆十二年立元一統志靈巖在浙江杭州府富陽縣西南三十里齊建元末僧曇超居錢塘講經一日忽有老人諦聽曰我龍也師曰汝能為我致水乎老人撫掌泉遽湧出靈巖在湖廣長沙府茶陵縣會堡之間有巨石室巖中有唐人所為羅漢相唐天祐中陳光問讀書于此里中子弟就學者百數後登第因名化龍巖尋復名靈巖一在汝州略陽縣正南順流而下七八里山腰有洞前後二所前巖高峻後洞達深巖前懸崖起屋曰藥水寺或曰積忠寺碑字唐滅無可考據昔有採石乳人至約行半里忽然明朗見奇花滿地既而人思歸其內有白鹿出來明日再往有巨石填門遂達其處二洞間石縫中有水迸出引至前洞鑿為泉可以療疾鮮于侁詩千峰環郡宇二石繞城隍每憐山水佳况復聞巖穴長沙府志靈巖在長沙府茶陵縣袁鵲鄉有石剎其中空洞舊傳蕭輝和成道之所有寺今廢桂林郡志靈巖在廣西桂林府靈川縣西南三十里嶺外代谷洞穴有水然後稱奇桂林諸洞無虛百

所率近在城外數里俱有可觀若水東之曾公巖興安之乳洞皆有流水自洞而出施直橋橫截其上遊者得以徙倚其間異於他洞者空明幽邃而已雖然未若城南之水月洞東江之龍隱巖也水月中通如半規江流貫之中有石輪可以轉客龍隱脩曲而高明江流貫之皺掉而入仰視洞頂天矯乎真龍之脊脅也范石湖謂二洞奇賞紀世融州老君洞亦通川派中有小洲其旁高岑有乳乳石滴成老君之形須眉衣冠無一不具張子湖榜曰天下第一真仙之洞以是知凡洞必以川流為貴也雖然二賢所賞水深數尺廣纔丈餘耳若天柱之靈川縣有靈巖者二賢未知也是巖也大江洞其腹水闊二丈深當倍之余嘗攝邑靈川天久不雨往禱于巖方舟造洞遙望大江半闊直抵山根橫有一線之光通而望之乃知洞穴表裏明徹而然也即其洞口水面貼貼正將枕山不可得入者舟于擊水伏而進仰視洞頂與水面相去纔丈餘水與洞頂皆平如掌舟入漸深揖聲隱隱震動固已駭人心目人聲一發山水皆應大音叱咤洞虛碧翠當巖之中洞頂穹隆如寶蓋然其下即神龍所居也余歛板焚香巫者以脩綬下瓶及深奉之以歸輒有感應是江也西通徭洞曰寫良材貴巖而下水深不可施棹撐挂巖頂而後得出余求之事實謂此江古來逸出

山外忽雷雨數日神龍穿破山腹以定窟宅遂命曰靈巖縣曰靈亦以是
得名今洞旁山背尚有故江跡存噫此巖水色沉碧雄深巖靜人至其間
若有神靈左右之者誠非遊觀之地去城三十里不若諸洞之通於人所
以未蒙賞音惜哉桂林志悔摯靈巖詩 煙抱千峯碧玉堆一巖一穴漢
天開蓄雲洩雨通靈派長與蒼生救旱來戴桐浚川集自龍湫出靈巖
四山奇更峭外者未知山藏此十峰在多應一壑間飄滿洗雲骨靈巖出
人裏埋沒尚多有寄言泰輿管輅地紀勝陳植詩云天際三竿量日月人
間一鏡照山河柯暢詩云層層望遠窮南國步步登高近北依北欄禪師
集靈巖詩 斷崖蒼玉削四繞綠屏惟無港不相接有山如此稀樹秋連
嶺瘦雲晚截湖歸一點西風急遽除相趁飛 姚闢詩 泉石平生性所
耽謝公延我到東南紅蓮幕下煩佳客犬奔山中訪萬巖剪竹掃花尋鳥
道捫蘿隨納閣龍潭圖經未盡幽潛事待向仙家起玉函桃花集新安汪
安行靈巖前洞詩 誰爲彌陀作此龕坐來頓覺離塵凡山南水北分雙
洞天上人間第一巖龍窟元因風雨改鼉靈柱用斧斤剗爲官豈似爲僧
好醉裏題詩莫繫衙 紅葉青苔行徑微山空日出自煙霏因穿後洞水
中過更覺靈巖天下稀兩壁千龕須把炬一溪九折屢褰衣明朝尚有桃

花約待訪春人丁後歸 文子平詩書靈巖壁 凌晨策羸騶尋山結遊
侶路行幾舍餘穿林傍溪澗秋風吹黑雲為我開飛雨石門殊怪奇巖空
滴泉乳尚記唐人名鐫崖宇仍古來游共嘆愛頻喧路標嶺只赤見文脊
煙嵐幅重揭瞿硎昔巖居庵廬今在否可望不可到心思揮雙羽雖然但
形留遺迹點無語錢唐韋驥集和提刑度吏遊永康靈巖 天下被澤久
詩人歌早巖廉按重時逕行去聲當歲熟優游今日心憩息茲山腹峰
危齊鳥道巖還容佛屋長松揭巨蓋脩篁削青玉塵遠疑僊隱景完如畫
簇還幃興有餘過隙光何速披雲出蒼翠回首辨重復留止念所之吟詠
土不足不獲睹勝遊空言繼郎宿蔡九峯集遊靈巖分韻得從字 我來
靈巖遊生石披蒙蒼條然忘世紛便欲晚從從外峻懸絕磴中窺峙高峰
精廬三數間歲久蒼苔封寒藤結暝色秋花飲悲客哀猿發清聲月影山
重重偏舟暮江下疎林間夜鍾周紫芝太倉梯木集謝元不代寄靈巖七
詩用梅聖俞韻 靈巖勝絕天下稀開鑿乃自太古出山川初宜有顯晦
勝處要須詩韻敲自從梅老登列仙左物誰憐久埋沒具茨筆力扛九鼎
坐遠清詩入山骨據龜食蛤誰與遊絳節雲車到仙窟雲間招手疑有無
月下吹簫直髣髴飛雲香靄風吹香翠潤空濛雨垂濕誰從洞口看金書

想對神清時獨立我家靈巖山脚底識面何由恍如失雖無幽夢到三山
尚有明珠客十襲元祐元年己巳正月二十日同太史薄達夫來遊聚
作六詠又作長篇以廣其意景爾靈巖勝壑魁寧川欲往還心幾踰年
今朝乘興得清賞須知亦是同賓緣驅車初抵石門路恍疑共到蓬萊天
旁連高延立玉壁下廣遙鋪瓊田俄從一徑造佛剎樓殿深聳凌雲煙
山僧指我過幽歷嶮巖不憚躋山顛明心深達光通穿朝陽晴暉火欲然
連漪澄徹渚寒泉碧雲紫霧爭華鮮夕陽林麓禽獸喧常聞昔有瞿硎仙
我今不見心懸懸廣寒宮闕名空傳日暮欲去還留連嗟予事奪須回旋
不得共宿高談彈郵亭耿耿夜不眠擁衾操筆成長篇封題遠寄風騷賢
辭語無陋不足道臂火妄記呈光躔章甫自鳴集宿靈巖吳縣經年客
靈巖一夕留涼風吹薄暮明月照中秋閱世身將老尋山興未休還驅羸
馬去訪古大江頭韓流澗泉集西月十一日靈巖陟還得遊瞻濯泉極
幽尋禪窓坐未久聊以娛客心平田綠未整湖色收晚陰回繞繚繞餘
禽亦遺音次韻晁仲二同倉使遊靈巖使華春入梵王宮琴瑟工聲
在眼中解后五湖應自適縱橫七國漫爭雄一時賓從歡無極千古興亡
恨莫窮空鎖靈巖舊蹤跡盡船贏得滿蒿風許綸涉齋集益老過靈巖看

渠塘因憩藉小隱索詩 孤雲一片自由身 剎利隨緣有夙因 小隱未容
蠶作繭靈巖要省海揚塵 渠塘水鉢時時唱信筆詩篇句句新 畫繡不須
歸相里 聞師自是鴈山人 仲并浮山集遊靈巖詩 古寺青楓外平湖暮
靄西 亂花經雨薄冷蝶趁人低 俯檻留連語聽禽自在啼 風光兼客恨 樽
榼政須携 移舟晨鼓聞泊渚 暮鴉盤夾岸柳 潭暗橫軒梅半殘 最憐春
日薄 猶動客衣寒 樓外西風急 雲湖看湧瀾 李壁鴈湖集遊靈巖和韻
祇後本抄梵王宮路轉峰回翠 掃空臂次淨無塵 一點亂雲堆裏聽松風
選勝寧辭後齒尖 摩挲墨妙半隲先 八年兩到人事問 香火靈山似有
緣 蕭然陳跡寄林洞 千古誰分偽與真 惟有離宮歌舞地 遺簪墜珥付
耕人 衣起巖東塘集寺 郡不能同憲使 舍使游靈巖 秋風敲葉淅湖光雨
雨星華古寺傍 晚日一川迎使節 晚山十里送歸艖 風流我已非山簡 賓
客公應念葛強 宜是清游本無分 紛紛鴈驚苦相妨 錢塘韋驥集宿靈巖
坐邑傳聞此巖好 心疑好事張去聲 浮辭及未勝 境窮遊覽却俱前 言
有漏遺觸石煙雲如障俗 倚崖殿閣半來危 自嗟吏治多牽制 祇作清虛
一宿期 百丈蒼巖入杳冥 高低氣象本天成 藤牆翠壁龍蛇動 瀾瀾斷
崖風雨聲 不許畫工為潤色 祇應詩伯長餘情 棲鴈亂墨題僧室 車馬何

時再此行樵龍學集寺有四絕一曰靈巖予以赴官獲此稅鞅因賦拙句
用誌其行 常想靈蹤得到難因回征轡此盤桓松風逗磬僧齋冷石水
環堂客夢寒聖作自同亮典布寺有僧益和自鶴泉反巖太宗皇帝御製
寺古碑猶是魏朝班最憐山色當樓好欲去重來一倚欄 又遊靈巖

紅塵滿馬三回到青嶂迎人萬疊間却被野僧相顧笑區區還是暫時來
曹六四歌同遊靈巖因寄尊府判院 石湖浮動靈巖月天靜碧雲低

白煙此夜山川宜斷崖為予携到若翁前元丁復檜亭臺次韻遊靈巖
蒼影沉水霜木空翠光濕眼嵐華濛客亦胡為走塵裏僧閑獨老樓巖中
窓含江色玲瓏月山度天聲斷靖風政得魂清夜無夢不應魔女惱詩窮

詩窮已似孟襄陽醉宿高寒借竹房下界煙塵城郭近上方臺壁水雲

長揮關獨扣杖光角世路誰復車羊腸夜半連床玉京客藍橋夢入雲英

霜郝經陵川集靈巖道中 輕騎長鞭路老埃蕭森爽氣動靈臺霜餘落

木三秋盡日照扶桑半夜開袖裏還携泰山去筆頭又卷東海來臨風悵

望有所憶魯連安期安在哉陳造江湖長翁集靈巖道中二首 過盡南

山過北山幽花好鳥翠霏間滿前風物牽詩興可是平生馬上關 涉潤

登山倦不勝松間敲戶有人應竹簾瑣細爐煙直小作蒲團入定僧林李

フダラフナオニニニ

仲竹軒雜著重九前一日宿靈巖 馬上衰頹只自嗟驚心那復見黃花

花如相對終羞漁底甚重陽不在家張至龍集宿靈巖 樹杪鍾樓出半

層佛床點鼠弄殘燈五更石上僧猶定頭滿清霜喚不磨鄭彥昭携庵類

藁值雨靈巖夜宿晚題 禪龕趺坐候晨鍾淡月流星玉宇空滿地白雲

秋萬頃海波扶日上輪紅高觀國竹屋癡語醉江月靈巖千古萬靈靈秀

拱崇臺飛觀憑陵十尺清磬一聲簾幙冷無復宮娃消息響條廊空採薺

徑古塵土成遺迹石間松老斷雲空鎖愁寂寂專寵誰比輕輦楚腰吳艷一

笑無顏色風月荒涼羅綺夢輪車扁舟佳客舞闌歌殘國傾人去青草埋

香骨五湖波森 靈惠巖 延平府志靈惠巖在福建延平府尤溪縣

遠空依舊涵碧 靈惠巖 延平府志靈惠巖在福建延平府尤溪縣

二所可環坐者千人泉出石縫間隨飲者多寡為之盈縮

號聖泉舊名師姑巖又名佛窟巖雪峯忠禪師始易今名 洞靈巖

鏡州府志洞靈巖在江西鏡州府浮梁縣東一百里有洞四曰慶雲曰蓮

花曰含虛曰張公山志靈巖三洞在徽州婺源縣西北一百三十里梁

大同四年建洞靈觀尋 靈照巖 瓊州府志靈照巖在本

巖有唐鄭全福遺跡 靈照巖 瓊州府志靈照巖在本

府即南山巖亦建自宋 東蒙

巖

仙都志東蒙巖在初陽谷左有石低昂奇怪聚立于深潭之濱巖下可以泛舟海上有仙山曰東蒙泰岳之南山名東蒙此巖之名莫詳

所出或云巖正朝東太陽將暉水光互映而曰東蒙亦取初陽之義二字未知孰是

東龕巖

元一統志東龕巖在江西贛州

府興國縣東二十里唐鍾今公紹京讀書所也巖前有飛泉潺湲然若紛悅之下垂盛夏不涸扁舟所流而入峭壁夾峙一水縈帶深不可測行方未半有索水流石罅隙若玉繩馬約里許舍舟躋石磴百餘級度木橋橋僅容足然後至讀書堂可坐數十人有石案石硯石印歸然具存面前一峰挺特

東巖

處州府志東巖在處州府麗水縣北六十里四面斗絕唯有一徑捫蘿可上一名赤石樓巖上有清風峽桃花洞唐

攝青田尉楊光于作隱難記石刻尚存其略云開元之末袁晁陷郡鄉民共登此巖以避之中和二年黃巢亂盜賊群起河間郡人俞強帥鄉民復登之共推武都章承勳為部領由是獲免者甚衆按唐書乾元二年袁晁反陷信溫台明廣德二年復誅此云開元之末誤也宋宣和中方臘亂鄉士梁孚將同兄弟三人領義兵復屯于此懿德宣慈應和三鄉獲全者梁公之力也建昌府志東巖在江西建昌府去郡之東一百里自義亭鋪穿

支徑四十里有山截然壁立千仞垂崖側石其上有泉竇涓涓流出世傳有
龍居焉早乾禱雨水溢焉晴未嘗不厭其所欲詩云直上三千仞天高勢
可窮蛟龍泉竇小雲雨旱時通斜日霏微外他山隱見中長途望不見雙
溪濕秋風泰和志東巖在鳳陽府泰和縣潮山昔有隱者居之保寧府志
東巖在保寧府去郡之東五里許有寺曰棲隱亦鑿山為巖瀘州志東巖
在瀘州汶江之東紹興中開創大像依巖不足以庇風雨住藏有庵者所
氏親死廬墓棄俗奉香火於巖邦人信之不十年重樓復閣佛宮經藏甲
於一境又云懸崖峭壁高數十丈足帶江流僧鑿為巖鑄一石佛高五丈許
夜月出經其上甲於一境瀘州州志東巖在距州城三里峭拔奇巖若剖
大甕側立千尺下削如百玄真像溪壑深杳林木葱蒨其廣可庇數百人
張稟詩望中佳處是東巖只在重城五百間四坐清風無俗景我心渾似
白雲閑輿地紀勝東巖在嘉定府城東佛峽山水明秀有洞曰東巖泉宜
釀酒坡詩一時付與東巖酒謂此也順慶府志東巖在本府蓬州蓬池縣
龍章山俯瞰大溪前眺歌陽安固諸山歷歷可數為一郡登眺之勝衡州
府志東巖在湖廣衡州府衡陽縣北合江亭東唐貞觀十五年刺史宇文
炫建亭以為登覽之所面對巖壁故名舊有記有詩今石刻剝滅不存水